



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis
vigesima quintâ Januarii.



M. PHILIPPO IGNATIO SAVE,
Doctore Medico, Præside.

An viventia ex ovo?

I.

OMNIA ex ovo fieri credidit antiquitas, non heroicis modò temporibus, sed & Philoſophicis, etiam ante Ariſtotelem qui arboribus attribuit ex Empedocle, & infectis ovi ſpeciem, & quadrupedibus fecuram ovi teſtâ exuti ſimilem, ab Hippocrate edoctus, qui & in muliere abortiente ovum agnovit. Ovum eſt id omne ex cujus parte factura ſit, ex alterâ alitur. Quæ definitio omnium viventium initiis convenit. Ovorum exemplar vulgatiffimum, id quod eſt avium. Nec minus habentur ova, quæ ſunt piſcium & inſectorum. ſeminibus arborum omnibus ineſt plantula, multis pulpa, quâ nutritur; omnibus folia primigenia, radiculis & cauliculo germinanti ſuccum, quo turgent, reſudentia: hæc autem omnia vel teſtis incluſa vel ſecundis, quid aliud ſunt quam ovum? cum præſertim arbores ex Ariſtotele utriuſque ſexûs ſymbolas habeant, vim ſcilicet maſculam, fœmininamque materiam. Ova quis deneger piſcibus ſquammoſis, cartilagineis, teſtâ, putamine, corio molli, duro, teſtis; niſi forte cetaceos excluſat? nec minùs ſua ſunt cetaceis ova quàm cæteris piſcibus, cum eorum eadem ſit conditio, quæ quadrupedum oviparorum, quibus nec ipſe negavit Ariſtoteles.

II.

QUIS igitur neget de Homine? cujus primordia partesque, è quibus conſtititur, iſdem planè quàm cæterorum animantium legibus tenentur: nec mirum, corpus hominis qui animâ rationis particeps, reliquis animantibus tantummodò antecellit, iſdem ex elementis cum cæteris animantibus, ſimilibuſque partibus integrantibus compoſitum, iſdem quoque mutationibus, iſdemque impulſionibus ſivè ab alimentis ſivè ab elementis oppoſitum ſit, neceſſè eſt. Partes hæ in omni animantium genere ſolidæ ſunt & fluidæ; utrarumque tum in homine, tum in brutis par nexus, conſenſus idem, & organa ad nutritionem & generationem ſpectantia uſus ratione ſimilia. Nec enim corpore perfectior eſt cæteris aut imperfectior; nil à ſummo artifice imperfectè aut conditum imperfectum; nullum ullo perfectius ad uſus proprios. Animalcula quæque minima in ſuo genere, ſuæque ſpecie perfectæ ſunt, & ſi ſpectanda parvit, videntur potiùs perfectiora, magis admitanda, digitoque divini artificis digniora, quàm noia. Communis animantium omnium exitus, mors, eorumque diſſolutio ſivè interitus ab

2
nīsem plane caulis pendens, prorsū est eadem; atque ut partes similibus initiis
efformantur, sic & in eadem resolvuntur elementa.

III.

COMPOSITIONIS principia non sunt semen masculinum & sanguis
menstruus, (hic quidem in mulieribus singulis circiter mensibus, quan-
diu iactant sunt, & utero valent concipere, è sinu muliebri prodiit: sed ad gene-
rationem & conceptionem per se inutilis & velut excrementum foras ablegandus)
nec utriusque parentis genitura in utero, ut in campo fertili atque fecundo
commixta. Nihil in utero cuiuscumque tandem generis foemellarum primis à con-
ceptione diebus reperitur: nec in eo licet certo conceperint, ulla fecundationis
signa sese offerunt. Semen quidem masculinum, potissimum in homine & qua-
drupedibus plerumque usque in uteri cavitatem penetrat; non tamen ut illic se-
mini muliebri commisceatur; nullum enim intus semen ejaculantur foemellae, nihil
è testiculis in uterum tempore congressus emittitur. In his vasa semen deferentia
& ejaculantia, virilibus reipondentia frustra quaeris. Nec parum differunt
masculini testiculi à foemininis: in illis enim glandulosa & vasculosa sunt organa,
quorum tubuli speciali diametro donati, copiosum sincerumque semen ab alluente
jugiter per arterias sanguine secernunt; foeminini testiculi nequaquam glandulosi
aut vasculosi è membranis & villis contexti, sed multis vesiculis circumscriptis
& orbicularibus, & liquore turgidis tori constant. Liquor qui undique in vul-
vam tempore congressus depluit, semen non est, in uterum non penetrat, nec à
testiculis prodiit: at liquori qui è marium prostaticis dimanat similis, & eidem in
foemellis usui comparatus, è lacunis & glandulis conglomeratis vulvam undique &
urethram ambientibus, in vulvam erumpit. Incassum igitur prima conceptionis
signa, primaque futuri fortis rudimenta in mulierum aut foemellarum utero, vel
alibi quam in earum testiculis quaeris. Paucis à conceptione diebus, una aut
plures è testium vesiculis ampliantur & rubescunt, tandemque grandiores factae,
testiculi tunicam in ea parte, quae cuiusque vesiculæ centro respondet, perfora-
tam penetrant & velut fructus ab arbore maturi, decidunt. Hæ vesiculæ non
sunt hydatides aut corpora imbi præter naturam genita; in omnium passim foe-
mellarum quinimò & mulierum testiculis reperiuntur: & quoniam easdem
planè mutationes subeunt, quas vesiculæ in volatiliis (quæ omnium consensu
ex ovo producuntur & ea propter ovipara dicuntur) racemo observatæ, & reli-
qua in his & illis organa generationis analoga sunt & similia, hæ vesiculæ non
immeritò in utroque genere, oviparo scilicet & viviparo, ejusdem planè indolis,
ejusdemque naturæ asseruntur.

IV.

ORGANA generationi dicata in maribus passim omnibus, binæ sunt glan-
dulæ fori pendulæ, aut ipso abdomine aut abdominis tegumentis conclusæ,
secretam à sanguine genituram, per vasa deferentia proximè, aut in quibusdam
animalibus & Homine, mediis vesiculis sincero semini asservando, simul & spe-
ciali humori liceterno, feminique permiscendo dicatis, in vasa ejaculantia
deponentes. Licet generationis organa foemellarum ovipararum & vivipararum,
non secus ac marium, prorsus analoga sint, reperianturque in utroque genere
vagina, uterus, uteri tubæ, & vesiculæ orbiculares liquore turgidæ, nonnihil ta-
men inter hæc partes intercedit discriminis. Vesiculæ quippè in gallinæ & cæ-
teris volatilibus, non continentur in binis corporibus, quæ eorum testiculi vo-
centur, nec binæ sunt ut in homine & quadrupedibus tubæ; quamvis nihilominus

uterus in muliere non secūds ac volatilibus, simplex sit & indivisus; at unā eādemque membranā in regione lumbari sitā conclusæ & conglomeratæ, omnique vasorum genere laxè intertextæ veluti racemum constituunt, quem nonnulli superiorem avium uterum, rectius autem alii ovarium nominarunt. Licet hunc racemum ab ovo, ovarium nuncuparint; quæ tamen in eo continentur vesiculæ sine albumine & testâ deprehenduntur, nec idcirco eis ovi nomen denegandum. Harum enim quæ galli semine fœcundatæ sunt, jam in sese continent omnia, è quibus accedente incubatione, aut alio blando calore, fœtus numeris omnibus absolutus fingatur & efformetur. Quinimò tantū abest, ut eis ovi nomen non concedamus, quin potius & ovi cicatriculæ sive oculo tribuamus, eamque omnem ovi indolem & naturam in sese complexi asseramus. Ovum quidem à gallinā enixum constat cicatriculā, vitello, chalazis, albumine, tunicis cuique liquori propriis, testâ, & aëre; verū hęc præter unam cicatriculam de ovi naturā non sunt; in eorum tantummodo animantium ovīs reperiuntur, quæ intrā se, ea non fovēt, & in quibus necesse est, non modò quæ ad fœtus formationem requiruntur contineri, sed & omnia quæ ad ejus nutritionem donec testâ excludatur. Vitellus igitur & albumen uni fœtus nutritioni, nullatēds autem ejus formationi dicantur. Aër vicem elateris quo automatū motus perpetuantur, vicemque materni cordis sanguinem aut potius chylum in homine & quadrupedibus in placenta radices impellentis gerens, sensim vitellum & albumen comprimit & adigit in radices pulli umbilicales, mutationes autem, quæ pulli formationem præcedunt aut concomitantur in unā cicatriculā observantur: Hęc enim cū à gallinā incubantis forū ad pullulationem properat, dilatur illic & explicatur, in ipsaque tertio circiter incubationis die punctum sanguineum micans & saliens, principium cordis, deprehenditur, sequentibusque diebus ex colloquamento in quo antea nulla aut exigua fœtus vestigia, pedetentim omnes pulli partes effinguntur. Vesiculæ igitur, quæ in volatiliū racemo conspiciuntur, ratione cicatriculæ quam in superficie suā inclusam continent, genuina sunt ova. Etsi verò volatilia potissimumque gallina, quandoque sine mare ova pariant, subventanea & infœcunda, attamen in plerisque volatilibus vesiculæ in ovario conclusæ illæ inertes & otiosæ degunt, donec semine masculino aspersæ, excusso veluti veterno, & ut à blandiente sole mandata terræ semina intumescunt, & ab ovario superstitē calyculo per oviductum in uterum albumine, & postmodum in reliquo transitu testâ contēdendæ, labuntur.

V.

CUM igitur liquidò constet cicatriculam, omnem ovi indolem in sese complexi, & omnes pati mutationes quæ ad pulli formationem spectant, quidni vesiculæ, quæ in muliere, & fœmellarum quadrupedum testiculis continentur, mole quantumvis exiguæ, quæ à matris semine non aliter quàm volatiliū rubescunt, intumescunt, à testiculis per tubas in uterum decidunt, quidni, inquam, mulierum & quadrupedum habebuntur ova, testiculi earum ovaria, & uteri tubæ oviductus? Nec his vesiculis à testiculis seu ovariiis decedentibus, ullatēds obstat tubarum angustia & earum libera in abdomine fluctuatio; hęc utraque multò major est in volatilibus, in quibus rarum incorcussamque manet, vitellos ab ovario deciduos, ab oviuctu suscipi & ope fibrarum quibus cingitur morticium, sensim in uteri cavitatem protrudi. Longè major est proportio ovi muliebrius aut quadrupedum ad uteri tubas, quàm in volatilibus vitelli ad oviductum. Oviductus in his ovario nusquàm annexus, liberè in abdomine hūc illūque fluctuat. In homine verò & quadrupedibus tubarum expansio per unam aut alteram laci-

niam testiculo connexa, parum ab eo recedere ac divagari potest. Oviductus denique in plerisque volatilibus undique indivisus; in homine autem & quadrupedibus tubarum expansio in varias hinc inde lacinias divisa ac quodammodo lacera, longè facilius congressus tempore, aut forsitan aliquot à conceptione, id est, ab ovi fecundatione diebus, testiculo applicari potest, eumque amplecti. Hincque fit ut in cadaverum sectonibus quandoque ei præter naturam undique continua & connexa occurrat; abortis scilicet inflammatione vel ulcere, eo tempore quo tuba testiculum seu ovarium amplectitur. Cum itaque ovum ab ovario decidens, non nisi tubarum interventu in uteri cavitatem penetrare possit, quid mirum si quandoque in homine conceptus, immò si quandoque fœtus testiculis reperiatur adhærens? ut paucis abhinc mensibus hic Parisiis observatum, in quo dentes, crines, & oculorum alter, non modò sine microscopio videri; sed & manibus contractari poterant. Quid, inquam, mirandum, si non rarò fœtus numeris omnibus absolutus in abdomine aut uteri tubis reperiatur? ova enim ab ovario decidua in limine tubarum hærentia, atque hic radices agentia, crescunt in fœtus perfectos, atque proprio pondere excidunt dum maturare, & in abdominis cavo consistunt, nunquam ejicienda. Idem evenit mediis in tubis, si eatenus transmissa locorum angustiiis detineantur, nec perveniant ad uterum. Hujusmodi tamen angustæ etfi conceptioni præexistant, ovorum in testiculis seu ovarii à maris geniturâ fecundationi nullatenus obstant, ut dilucidè ex cuniculorum anatome evincitur; adeest enim in earum tubis valvula eas ocludens, & impediens ne quid ab utero ad ovarium penetrare possit. Sunt igitur mulierum & quadrupedum testiculi earum ovaria, & ex eorum vesiculis seu ovis formari fœtum usque adeò liquidum est, ut ex numero calyculorum in testiculis superstitum, certò conjicere liceat, quot fœtus fœmella utero gerat, & quibus bipertitus est uterus, quot in uteri parte dextrâ, quot in sinistrâ.

Ergò vivencia ex ovo.

Domini Doctores disputaturi.

M. Franciscus-Fausus Alliot.

M. Amandus Doué.

*M. Alexander-Michaël Denyau,
Professor Regius.*

M. Joannes-Baptista Dohart.

M. Franciscus Gœtel.

M. Claudius de Frades.

M. Philippus Doué.

M. Antonius Varin.

M. Ægidius le Bel.

Proponebat Lutetiæ CLAUDIUS BOURDELIN, Silvanectinus;
Baccalaureus Medicus. A. R. S. H. 1691.

PARISIIS,

Apud Franciscum Muguet, Regis, & Facultatis Medicinæ
Typographum.